

CIFRANAN PARADA GRANDI SANNICOLAS

DIASABRA 24 DI FEBRUARI 2001

Siguiientemente e cifranan di parada di carnaval grandi na San Nicolas di año 2001, carnaval 47. Tur año colega Juby Naar ta copila e cifranan aki cu ta fungi como un barometro pa sigui desaroyo di carnaval di Aruba. No ta trata di cifranan di ningun organoof instancia oficial, sino cifranan copila segun registracion di gruponan na SAC, datonan cu huradonan ta ricibi di lidernan di grupo durante paradanan relacinoa cu e cantidad di participante cu nan tin e dia ey, conteonan adicional cu huradonan ta haci y registracion completo di e parada di parti di Juby Naar na momento cu parada ta pasando. Año 2001 carnaval 47 na San Nicolas a kibra tur record di ultimo decada cu 2905 participante. No a logra kibra e cifra di 22 grupo di año 1994, pero bandanan musical si a kibra record di ultimo decada. Brassbandnan a cay y keda stanca na 2, Soundsystemnan a cay, pero den Roadpiece a iguala e cantidad di 39 di 1999 cu tabata di 9 lustro di carnaval di Aruba. E total di carosanan a iguala e 11 di 1995.

	1994	1995	1996	1997	1998	1999	2000	2001
Participantenan	2054	1545	1364	1171	1378	2630	2268	2905
Gruponan	22	17	15	13	14	13	15	15
Bandanan musical	12	12	10	9	9	14	15	17
Brassband	3	4	4	3	3	4	2	2
SoundSystem	5	7	7	7	2	3	6	3
Roadpiece	35	35	19	31	29	39	33	39
Carosa	7	11	8	5	4	8	9	11

No ta registra cantidad di steelband ya cu den ultimo decada tabata solamente Weg Fontein Stars tabata den parada y ultimo 4 año ta solamente North Stars ta den parada. Ademas di vehiculonan di carosanan y bandanan musical y soundsystemnan, e año aki tabata tin den parada na San Nicolas 13 trailer-bar y cu a falta decoracion carnavalesco, 1 carosa-bar di marinierskazerne, 5 Van bar y di utilidad 3 pickup bar y di utilidad. Vehiculonan den parada ta laga hopi di desea pa locual ta decoracion carnavalesco.